

Kagulu - Maswanu-Dihile Madoga Amatulumo - Good-Bad Mind Scriptures

Maswanu Madoga Amatulumo - Good Mind Scriptures

Maluko 5:15 Hawamulutila Yesu; hawamona yuya yowile na magini, kekala, kafala suke, kena misungu yakwe; naye noyowile na diya ditewa howokogoha.

Luka 8:35 Awanhu watamiligwe hawaleuka kulanga dyalawanise, na kwija kwa Yesu, howomufika ayuya yalafigwe simhepo yekale mumigulu ya Yesu, kafala suke na mahala gakwe maswamu, na howokogoha.

Watumigwa 17:11 Awanhu wa uko hawowa wategelesaji waswamu kusuma waya wa Tesaloniki. Howoihokela imbuli iya kwa kwenda mufidoga, howokuwa wakulangisa mawandiko masunhile chila ijuwa, uleke wamanye fina agaya gowakulonga Paulo na Sila ni chawelu.

Watumigwa 20:19 Mumanya fyene fyonimutogomele Mulungu kwa unyekefu wose, kwa masosi ne makugutu ganipatile kulawa mu mipango na si hila sa Wayahudi.

WaLoma 7:25 Nikumulumba Mulungu kulokela Yesu Kilisito Mundewa wetu! Hambiya inghowa nonheifo basi niye mumisungu yangu nikuditogomela dilagiso dye Mulungu, ninga mumutufi nigaluka namutumwa wa ilagiso dya wihi.

WaLoma 8:6 Kosoko chidoga che mutufi ni difa, ninga chidoga cha Muhe ni wumi na digoya.

WaLoma 8:27 Na Imulungu iyakulanga mimoyo, kamanya ichidoga che Muhe kuwasila wasunhile kwa kwandamila ifene foyakwenda Mulungu.

WaLoma 11:34 “Kosoko nonani yachimanyile ichidoga che Mundewa, ama nani yakudaha kuwa mulolesi wakwe?”

WaLoma 12:2 Munghandamile mbuli se chilunga chino, ninga muwe washu mufidonga fyenu mudahe kutanga go yakwenda Mulungu, kahi goni amaswanu na gamemelekele.

WaLoma 12:16 Mwikale kwa kifumilisa munhu na miyagwe, munghadoge makulu, ninga goloseni na amadodogi nago, yuweni waholo kahi munghakiyone fina mwina ubala kusuma wayenu.

WaLoma 14:5 Wamonga wakuliganisa fina, dijuwa dimonga iswanu lugano kusuma dimonga, chigele wamonga wakuliganisa majuwa gose fina galigana. Chila munhu na yatange mumisungu yakwe imwecho.

WaLoma 15:6 uleke kwa hamwedu na ijwi dimwedu mudahe kumutunya Mulungu na Baba we Mundewa wetu Yesu Kilisito.

1 WaKolinto 1:10 Dededeni wandugu sangu nikumutasani mwisina dya Mundewa wetu Yesu Kilisito, mwifumilise kwa gaya gomukulonga na

kunghowe na matemanuko mugati yenu, ninga wandugu sangu.

- 1 WaKolinto 2:16 Kosoko no yehoki yagamanyile amadoga ge Mundewa mpaka yamulolese? Amba seye chinago madoga ga Kilisito.**
- 2 WaKolinto 7:7 na siyo du kwa kwija kwakwe Tito, ninga kahi kosoko ye umoyo wowumwinghile anyeye, fina foyachitamile fomukuhananga kunyona, fomwina usungu, fomukuhananga kunimilisa kosoko yo nina nyemo lugano.**
- 2 WaKolinto 8:12 Nghona chawelu mukuhananga klafa, iMulungu kohokela chila chomukudaha kulafa, nghakuhananga kujumha chomwinacho. (1 Chronicles 28:9)**
- 2 WaKolinto 9:2 Kosoko nimanya fo mwina moyo wo kutasa, na hanikiyona kosoko yo ku wanhu wa Makedoniya, sikugamba Akaya hayuwa tayali kulawa mwaka ulokile ne unghwina yenu iwasonga matewa.**
- 2 WaKolinto 13:11 Hambiya lekeni nimalagise ibaluwa yangu kwa kumulagani. Goloseni sinjila senu, muhulikise amaloleso gangu, mukifumilise munhu ne miyagwe, ne iMulungu wo wendo ne digoya kukuwa hamwedu na nyeye.**

WaEfeso 4:23 na goloseleni wanhu washashu mufidoga fye sihakili senu.

WaFilipi 2:2-5 memeleseni inyemo yangu, mudahe kuwa na chidoga chimwedu, wendo umwedu, moyo umwedu, mudoge hamwedu. 3 Munghagolose mbuli yoyose kwa kisuma ama kwa kiyona, ninga kwa uholo chila munhu yamone imiyagwe muswamu kusuma imwenecho. 4 Chila munhu yanghalongose simbuli sakwe, ninga yalongose simbuli sawayagwe. 5 Yuweni na chidoga chicho mugati yenu, ichuwile mugati ya Kilisito Yesu,

WaFilipi 4:2 Nikumutasa Ewudiya na Sindike wowe na chidoga chimwedu mwe Mundewa.

WaFilipi 4:7 Ne digoya dye Mulungu, idilokile umanyi wose, didime imimoyo yenu ne misungu yenu mu Kilisito Yesu. (Isaya 26:3)

WaKolosai 3:12 Hambiya, kosoko mugaluka wanhu musaguligwe ne Mulungu, wasunhile umukwendigwa, faleni moyo wa ubasi, uswamu, unenenghesi, chogoho, uholo, na ufinylisi,

2 WaSesalonike 2:2 chikuwatasanu wandugu setu ingawagumeni lutwitwi mumadoga genu ama kuwenghani itisi ninga dya muhe ama mbuli kahi baluwa kulawa ukwetu konesa kifana dijuwa dye Mundewa difulisa kwija.

2 Timoseyo 1:7 kosoko iMulungu nghachingha moyo we ikeng'enha ninga moyo wa ludole na wendo na ufinylisi.

Tito 2:6 Nheifo kahi, walolese awajelelo wakituse awecho.

WaEbulaniya 8:10 Adino no dilagano dyonikwenda nigolose hamwedu ne nyumba ye Isilaeli ganghaloka majuwa gago, yakulonga Mundewa, nikwenda nike malagiso gangu mumisungu yawo, na nowandika mumimoyo yawo, nani nokuwa Mulungu wawo, nawo wokuwa wanhu

wangu.

1 Petulo 1:13 Hambiya kiyoheni mumisungu yenu mufulise na kwika dihuwi dyenu mudihewa dyo mukwija mukwinangigwa ugele Yesu Kilisito foyakwija yagubuligwa.

1 Petulo 5:2 Mukudahaje kwiyona? Hayuwa muhongese! Muleke ayo yagolose didyo yalegusigwe ukwenu.

2 Petulo 3:1 Afo chikukonga kahi kitogola? Ama chikuhananga fina awantu wamonga sibaluwa sa kiyonesa ukwenu ama kulawa ukwenu?

Yakobo 1:17 Chila kulafa kwa undewa, hamwedu na chilafwa chimemelekele kukulawa kuchanhya, kudulika kulawa kwe Baba we ujelu we ulanga, kwe imwene kwichaka kubidukabiduka kahi chinyefu cha kubidukabiduka. (Ayuba 23:13)

Ugubulo 17:9 Mbali ino ikuhananga misungu na ubala mukulu! Amatwi gaya mufungate gowonile ni matunda mufungate goyekale mwanamuke yuya; kahi hena wandewa mufungate,

Dihile Madoga Amatulomo - Bad Mind Scriptures

Maluko 7:21 Kosoko mufidoga fya wanhu mukulawa magelegela gehile, dihabwa, (Esikyeli 38:10)

Luka 12:29 Na munghahanange chomudiya choni kahi chomukunywa choni, kahi munghowe na manhonge.

Watumigwa 12:20 Helode hakasuha sana na watu wa Tilo na Sidoni. Ninga wene howomwigalila wanhu. Awene wawo howomupata kunghonga, Blasito yowe ulandi ulwawo, Blasito hakowa mumyamhala mukulu munyumba ye Mundewa. Kamei howomulutila Helode, howomutasa kuwa na igya kosoko ye iisi yawo haihula iisi ye Mundewa ku chakudiya.

Watumigwa 14:2 Ninga aWayahudi wamonga awalemile kuhuwila howosongesa na kuguma nyono mu mimoyo ya wanhu wa mataifa wamonga uleke wawaleme awandugu wawo.

WaLoma 1:28 Na kosoko wasonile fiswanu kumumanya Mulungu, Mulungu hakawaleka wandamile madoga gawo gehile agasiku hanangigwa wagolose.

WaLoma 8:6,7 Kosoko chidoga che mutufi ni difa, ninga chidoga cha Muhe ni wumi na digoya. 7 Kosoko iyo, ichidoga chikwandamila mutufi ni chinghondo kwe Mulungu, kosoko hachikudaha kufumila dilagiso dye Mulungu na chisikwija chifumila.

WaLoma 11:20 Ayo ni chawelu. Kuwa hagadumuligwa kosoko ya kuleka kuhuwila kwawo, ninga gweye ukwima kosoko ye dihuwi du. Hambiya unghowe mwiyoni, ninga ukilangisise.

2 WaKolinto 10:5 na kung'ola chila chikwakwaliso che kiyona ichikigwe kuilema umanyi we Mulungu, chikuteka chila madoga gaduha kumogoha Kilisito.

2 WaKolinto 11:3 Ninga nikogoha fina dijoka fodimudanhilise Hawa kwa usugu wakwe, amadoga genu gobanigwa na kutowangisigwa na kuleka kuhuwiliwa kwenu kwa chawelu kwa Kilisito.

WaEfeso 2:3 Na aseye chose hachuwa nheifo chigele cha kunyuma hachandamila nhenda sihile se mitufi yetu na gose madoga gehile na kugagolosa, hachuwa wana woile muihukumu ye nyono kifana awamonga.

WaEfeso 4:17 Ninga nikulonga na kuhomelesa muMundewa fina anyeye kulawa hambiya munghekale mikalile kifana ya wamembe fowakwikala muubwalasi we mahala gawo gehile;

WaKolosai 1:21 Anyeye, umowile aho bosi mulekigwa, kahe wanghondo mufidoga fyenu, kwe sinhenda senu sihile, (Mbasi 21:27; Esikyeli 23:17)

WaKolosai 2:18 Imunhu yanghawahokeni digelo dyenu, kwa kinenela kwa kwenda kwake imwecho na kufuga malaika, kwa kigamba kwa magubulo gakwe na kiyona chaka kwa umanyi wakwe we chimunhu munhu;

1 WaSesalonike 5:14 Na chikuwasani wandugu, wajameni awekale fibi, wagumeni moyo wofile fidoga, wataseni wasokile, muwe wafinyilisi na gose.

2 WaSesalonike 2:2 chikuwasani wandugu setu ingawagumeni lutwitwi mumadoga genu ama kuwenghani itisi ninga dya muhe ama mbuli kahi baluwa kulawa ukwetu konesa kifana dijuwa dye Mundewa difulisa kwija.

1 Timoseyo 6:5 na kugomba na wanhu wabanike mahala gawo, awaswelile ichawelu, awekudoga fina imikalile ye chimulungu ni luneka lwa kupatila ugoli.

2 Timoseyo 3:8 Kefana Yanne na Yamble awamulemäge Musa, awano nawo wakuilema ichawelu, wanhu wajugume matwi na awalemigwe na simbili se dihuwi;

Tito 1:15 Ifinhu fyose fikugaluka fyela kuwanhu awelile, ninga kuwehi na awasikuuhwila hechaka chihu chochose ichelile; amahala ne misungu yawo fibanika.

WaEbulaniya 12:3 Mudogeni imwene iyafinyilise amakugutu gefane ga wakugolosa uwihi mufidoga fyawo, mungheje musoka na kusimia mumimoyo yenu.

Yakobo 1:8 yanghamanye kohokela chihu kulawa kwe Mundewa